

Հայաստանեայցս եկեղեցւոյ՝ նոյն վարեալիք առանց աւելման և պակասման. և մանաւանդ որպէս ի նախնեաց ձերոց առ ձեզ հասեալ կայ՝ անթերի ունիցիք. որ այսուհետեւ այլ աւելի պակաս բան չխառնէք. թէ պատարազի արարողութիւն և թէ ժամակարգութիւն, և այլն ամենայն՝ ըստ Հայաստանեայց եկեղեցւոյ լիցի: — Չորրորդ, պահանջեմ որ ձեր եպիսկոպոսն ի սուրբ Էջմիածնայ հայրապետէն լիցի ձեռնադրեալ, և նորին հրամանաւ նստցի այդըր. և դուք հպատակ և հնազանդ լիլիք, ըստ կանոնաց սուրբ հարցն, և առանց մերոյ հրամանի և նշանի՝ թէ եպիսկոպոս անուն թէ վարդապետ, թէ այլ աստիճանաւոր, ամենեւին չթողուք ի ձեր մէջն: Քաջ իսկ գիտակ էք, որ այդքան խռովութեան պատճառ յայդպիսեացդ եղեւ: Եթէ զպատուէր մեր կատարեալիք, յոյս ունիմ ի Քրիստոսէ՝ որ փութով ազատութիւն տացէ ձեզ: — Եւս, ի մէնջ եպիսկոպոս և դպրապետ էիք խնդրեալ. ահա մեր հոգեւոր և սիրելի որդի Յոհան վարդապետն՝ ձեզ շնորհեցի. որ կարող է զամենայն գործ ձեր կատարել. եթէ վարպետ եւս պիտոյասցի, ղեկուսիլք որ առաքեմ:

Գարձեալ, պատուիրեմ, զի խօճայ Նիկողայոսի զերախտիսն չմոռանայք. վասն ձեր շատ ջանաց. ըստ իւր աշխատանացն երախտահատոյց լիլիք:

Յանձն առնեմ զձեզ շնորհաց Ս. Հոգւոյն և Ս. Լուսաւորչի աղօթիցն: Ողջւերուք ի Տէր: — Թվին ՌՃԲ. փետրվար ամսոյ ժ:

ԵՍ ՓԻԼԻՊՈՍ ԻՄՈՎ ԶԵՌՄԲՍ ԳՐԵՑԻ: